

Xaagu

07/03/2010

Asmara xintoh mirocti Qasa badih Qafarih ummattat abtah tan dirkih qaskariyyoh beyto kee gaddi nagrat bisoh axcuk geytimtah tanim Qasa badih qafarih ximokraasih massoyna rasi addak geyteh tan xaagi qaddoyse.

Tama xaagi elle qaddoyseh yan innal **Deraasal** madif abak sugeth tan ummattal bad kee barrih inkih ammaduk edde taamitak sugenih yanin duwaanik kee hawaara badal amo akak yable num sinnim cabak illacabo sinni dirkih qaskariyyoh beenih yaniinim timixxige.

Tama rasul badat taamitak sugteh tan ummatta karamak 45 -70 geytimtah tan ummattay taamitak sugeh yan qunxaaneyta **HIGXEF** mirocti isinni reedah xagro akak beenih sugeeni kinnih tanim kee tama kasle akah beenih yaniinim kaaduuy taysem keenih aboonu hinnay dumal ken xaylo akah beenih sugen sabab sinni cugaaneenah carbiy, mandabba sinni kee cine num yenek **yab cabah casbii** kee **wagartiiloh** digaalah gadda aboonu kinnih tanim rasi addak nee-gufeh yan xaagi ossotinah nummayse.

Tama xaagu ceela xaaguh kaaduuy shaqbiyyah qaxo Qasa badih Qafarih ummattat abtah tan baxisaay xiinisah intah tan able wayni istiraateegih xintot bisoh axcuk Qafar ummattak inayta magaalah tanih tan Qasab magaalal sigtah tan ummatta namma (2) aracal kurak geytimtah tanim nummawte.

HIGXEF buttah mirocti Qasa Badih Qafarih ummattah saaxat 1991 Eretriyah Rasi Amo baxxaaqa edde geek qimmissay immay awayih uddur baxsa le weelol gexisak geytimaanah yaniinim kee tohuuy kaxxa Qasabal geytintah tan Qafar kee qunxa Qasabal geytintah tan ummatta baxisak Qunaxa Qasabal eretriyah saaqatih loowok 7 magrib waqlaak illacabol hebelto num awqe waam faxximtaah yewqe num sugek faxximtah tan maaqatta kaal gexelex axcuk ummattal rasi addah kaltaxibix heenih yaniinim tokkek nee-gufeh yan xaagi diggoyse.

Tama daffeyna akah tekkeh tan ummatta isinni kabuk faxe waynan qaddoysoonay immay rabi illacabot akak yanim asmituk niqarow nicasbi tik axcuk yakmoonu waanam kee yaaquboonu waanam ayro xaak korekkah sekkeyitak geytimaanah yaniinim Rasi addak geyneh nan xaagi yeybeleeleqe.